

Баржас вагон күртл

Ставропольск перевалочни базин көвәгъяс өдр болгън барж хөбгъхш. Хулси, хулси, хулси. Өдр болгън овань немгдәд, тоонь икдәд бәәнә. Болв, хулсар кеси плитке энд чиги удан бәәхш — цааран йовулгдна.

Шофер Шепилов Александриг мана Иджл-нутгин хальмг әмтс медх зөвта. Александр ик агагъаси ави Хальмг-Базрт өсси бәәдж. Эндр, Хальмг танъгъчиг хәрү тогтаджахиг сонъсчкад, Шепилов әмтиәс түрүн болдж хулсар кеси плитке зөблгънд гарч.

— Чидлән нөл уга көдлх седклтәв, — гидж манд Алек-

сандр Шепилов келв, — Мини таньдг улс ирдж бәәцхәнә. Теднд ода деерәи бәәх бәәри түрү болдж бәәнә. Энүг үзлжәх би шулугъар Хальмг танъгъч тосхгдтха гидж санджанав.

Шепиловин келси үни. Баржас хулс буулгъси усна көвә төмр хаалгъин Солянк гидг станц хойр, хоорндан зөвәр хол. Тер бийнь шофер Шепилов тави рейс кехин ормд долан рейс кенә. Эн сән шоферлә әдл талдан чиги шофермүд бәәнә. Янчук Владимир гидг шофер Александр Шепиловла әдл көдлнә. Теднә уханседкл йир чик.